

按舊唐書高昌傳宗女作戚屬宇文氏女新唐書及唐會要同元和志作煬帝以宇文氏女玉波爲華容公主妻之

延和十二年 隋大業九年 癸酉 (西紀六一二二)

令國中解辮髮

按隋書高昌傳云伯雅下令國中曰先者以國處邊荒境連猛狄同人無咎被髮左衽今大隋統一宇宙平一普天孤旣沐浴和風庶均大化其庶人已上皆宜改辮削衽煬帝聞而善之又云伯雅先臣鐵勒恒遣重臣在高昌國有商胡往來者則稅之送于鐵勒雖有此令取悅中華然竟畏鐵勒不敢改也按伯雅臣鐵勒乃隋大業初年事北史突厥傳云大業

初

隋書鐵勒傳作大業元年

處羅可汗撫御無道其國多叛與鐵勒屢相攻